



Inatsisartunut Ilaasortaq Nivi Olsen, Demokraterne

**§ 37 naapertorlugu apeqquteqaammut nr. 69 Kalaallit Nunaanni
kiassarnermut pumpinut tunngasumut akissuteqaat**

22-06-2021
Suliap nr. 2021 - 682

Asasara Nivi Olsen

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasiat malillugu § 37 stk. 1 naapertorlugu Naalakkersuisunut Kalaallit Nunaanni illunut kiassarnikkut pumpit pillugu apeqquteqarsimavutit. Apeqquteqaatit akissuteqaatinnut innersuussutigineqarput.

Apeqqu 1.

Naalakkersuisut ilisimanerlugu, inoqutigiit qassit, kiassarnermut pumpimik ikkussisimansut?

Akissut:

Akissuteqaammut ilassuteqaatigut Nukissiorfimmiit takussutissiat pissarsiarineqarsimapput.

Nukissiorfimmiit nalunaarutigineqarpoq maannamut illoqatigiit qassit kiassarnermut pumpinik aalajangiisimanerannik paasissutissaateqartoqanngitsoq.

Kiassarnermut pumpit namminerisamik attavilertagaapput, taakkulu nammineq attavilernerini pisortanit nukissiuuteqarnermik pilersorneqarnissamik pituttorsimasuunatit. Kiassarnermut pumpit Nukissiorfinnit innaallagiaq illoqutigiinnut pilersuutaasoq atortarpaat kiassaatinngortinneqartarlunilu.

Apeqqu 2.

Kiassarnermut pumpinik inoqutigiit amerlanerit ikkussippata suna pitsaaqutiginaat Naalakkersuisut ilisimanerlugu?

Akissut:

Akissuteqaammut ilassuteqaatit Nukissiorfimmiit paasissutissat pissarsiarineqarsimapput.

Nukissiorfinniit ilisimatitsissutigineqarpoq:

“Nukissiorfinnit illoqutigiit kiassarnermut pumpinik aaliangersaatitsinissaminnik killeqanngitsumik pitsaaqutinik taakkartugassaqaanngillat. Kiassarnermut pumpit uuliamik kiassaatinik, aanngasissumit kiassarneqarsinnaanissamit aammalu innaallagissamik kiassarnermit annikinnerusumik, silaannaap pissusaanut tulluunnerunerat, aammalu nukissiuutitigut atuinninnerunerat siammasissumik paatsoorneruvoq.

Siullertut kiassarnermut pumpip diesel atorlugu- imaluunniit erngup nukinganik nukissiorfinniit illoqarfigisami/nunaqarfigisami nukissiummik attavilerneqarsimanersoq apeqqutaalluni silaannaap pissusaanut sunniuteqassusaa nikerarpoq. Kiassarnermut pumpi nukik Nukissiorfiit pilersuissutaa kissartunngortittarpaa. Kiassarnermut pumpit illoqarfinni dieselimik pilersuiffiusuni silaannarmik dieselimik pilersuivoq taamaasillunilu silaannaap pissusaanut ajoqutaasinnaalluni, illuanik kiassarnermut pumpit illoqarfinni erngup nukinganik pilersuiffiusuni ataavartumik nukimmik pilersuiffiullutik taamaasillutillu silaannaap pissusaanut iluaqutsiisuullutik.

Aappaattut kiassarnermut pumpinut silaannarmit sunniutit pitsaasumik sunniuteqarnerat apeqqutaavoq, aammalu kiassarnermut pumpit kiannerusumik silaannaqartumi nillataarnerusumiit sunniuteqarnerullutik ingerlasinnaasarpur nunatsinnilu silaannaq nillertoq pigalutigu.

Pingajuattut kiassarnermut pumpit uuliamik kiassaatin toqqaannaq atornerini annertoqataannik kiassarsinnaanissamut annertunermik nukissiuutinik atuisarpoq.

Takussutissiaq ataani takuneqarsinnaasoq sarfamut nukissiornermit kiassarnermut pilersornissamut akussutissiisuvoq. Sarfaq sarfamut nukissiornermi atuisumut apuunnermini kiassarnermut pumpip innaallagiaq kiassarnermut pumpi ilutigalugu kissarninngortittarpaa. Allanngorarnerit tamaasa nukimmik maangaannartoqartarput taamaasillunilu sunniuteqarsinnaanera appasilluni.



Uuliamik kiassarneq atorlugu kiassarnikkut pilersorneq sanilliutissagaanni allanngorarnermi allorfiit ikinnerupput, matumani nukimmik annaasaqarneq annertuumik minnerullunittaaq. Takussutissiaq ataani takuneqarsinnaasoq najoqqutaralugu nammineq pigalugu uuliamik kiassarnerup kissatsinnissaanut nukissiuutinik atuinera takuneqarsinnaavoq.

Taamaattumik illoqarfinni dieselimik pilersuiffiusuni illoqutigiit uuliamik kiassaatinik pilersussagunik tamanna pitsaaneruvoq, matumani uuliamik kiassarnermi sunniutaasut sanilliullugit annertuumik qaffasinnerummata. Sullitamut sapinngisamik qaninnerpaami uuliap ikummarissarneqarnissaa inuiaqatigiinni uuliamik atuineramik annikillisisuussaaq. Kiassarnermi pumpi innaallagissamik atuisuugaluartoq Nukissiorfinni uuliamik atuineramik annertusititsinnartarpoq.

Sisamaattut kissatsinnissamut nukissiuut 3-5 tikillugit annertutigisumik qullernut sakkortusaanermullu atornerqartarpoq. Kissaq innaallagissannagortinneqaraangami Nukissiorfinnut ajornartoornermi sillimmaqarnissamut annertuumik piumasqaateqarpoq, tamannalu inuiaqatigiinnut aningaasartuuteqarnissamik malitseqassalluni. Aningaasartuut tamanna Nukissiorfinnut tutsinneqartussaasoq inuiaqatigiinnut sunniuteqartussaavoq.

Illoqarfinni erngup nukinganik nukissiuuteqarnermik atuiiffiusuni ataavartumik nukissiuuteqarneq tunngavigalugu kiassarnermut pumpinik aaliangersuinissaq atorluarneqarnerusinnaavoq, matumani nukissiuuteqarneq erngup nukinganik nukissiuuteqarnikkut ingerlanneqarmat. Piffinni amerlanerni kissatsinnermut periuseq innaallagissiornikkut ingerlanneqareernat sillimmaqarnissamut ilusiligaq aammattaaq inissinneqareersimavoq.

Attaviliinermi aningaasartuutit sunniuniarneratalu appasinnera inuiaqatigiinnut aningaasartuutitigut akikinnerutitsivoq Taamaasilluni illoqarfinni erngup nukinganik nukissiuuteqarfiusuni inuiaqatigiinnut illoqutigiit unitsinneqarsinnaasumik innaallagissamik kiassaateqarnissaat kiassarnermut pumpininngaanniik akikinnerussaaq. Tamanna pillugu (innaallagissamik kiassaatinut) innaallagissiornikkut aallaavinnik ikkussuinerit Nukissiorfiit suliassai aallaavigalugit ingerlatsinermi Nukissiorfiit illoqutigiinnut innaallagissamik kiassaammik taamaatinneqarsinnasumik attaviliigaangamik ataatsimullu isigalugu Nukissiorfinnut akiligassiissutissanut tussapput, matumani Inatsisartut peqqussutaat nr. 2 31. Oktober 1991-imeersumi, kiassarnermi erngup nukissiorfiata Utoqqarmiut Kangerluarsunnguaniittup pilersuiffiani kiassaateqarfinnut innaallagissamit kiassarneqartunut (elektrokedler) attavilersinnissamik pisusaanermut tunngasoq naapertorlugu”

Naalakkersuisut Nukissiorfinnit illoqutigiit amerlanerusut kiassarnermut pumpinik atuilernissaannut pitsaaqutit ajoqutaasinnaasullu pillugit naliliissuteqarnerannik atuuttussaatsillutik malinnipput. Nukissiuuteqarnerup pingaarnertut sapinngisamik silaannaap pissusaanut- aamma avatangiisinut eqqortumik ingerlanneqarnissaa Naalakkersuisut **pingaartilluinnarpaat**, tamannalu pillugu Naalakkersuisunit erngup nukinganik nukissiuuteqarnerup allatigullu ataavartumik nukissiorfiusinnaasunik sanaartornerup annertusarneqarnissaata sulissutigineqarnissaa aallunniarlugu.

Apequt 3.

Naalakkersuisut isumaqatigaat, maani nunami kiassarnermut pumpimik ikkussineq avatangiisinut ajoqutaanngitsumik aammalu aningaasatigut sipaarutaasinnaasoq?

Akissut:

Akissuteqaammut ilassuteqaatitut Nukissiorfimmiit paasissutissat pissarsiarineqarsimapput. Kiassarnermut pumpinik attaviliinissamut Nukissiorfinniit silaannaap pissusaanut iluaqutaasinnaanerannik kiisalu aamma aningaasatigut sipaarutaasinnaanissaannut naliliissutit Naalakkersuisunit matumani atuutsinneqartussatut malinneqarput.

Nukissiorfinniit ilisimatitsissutigineqarpoq:

“Illoqarfinni erngup nukinganik nukissiorfeqartuni kiassarnermut pumpit erngup nukinganik nukissiorfimmiit innaallagissamik pilersorneqarput. Tamanna pillugu kiassarnermut pumpit illoqarfinni erngup nukinganik nukissiorfeqartuni silaannaap pissusaanut sunniinikinnerunissamut tulluartuupput. Illoqarfinni erngup nukinganik nukissiuuteqarfiumngitsuni kiassarnermut pumpit diesel atorlugu nukissiorfinningaanniik innaallagissamik atuisarput, tamannalu silaannaap pissusaanik sunniinikinnissamut tulluartuunngilaq, matumani ataatsimut isigalugu diesel annertunerusoq ikummatigineqartarmat.

Kiassarnermut pumpit Kalaallit Nunaanni silaannarmut sunniisinnaanerisa annikinnerat silaannarmik iluaqutsiisinaanerisa killeqarneranik isumaqarpoq, matumani illoqarfinni erngup nukinganik nukissiorfeqartuni kiassarnermut pumpit taamaatinneqarsinnaasumik innaallagissamik kiassaateqarnissaq toqqassagaanni. Kiassarnermut pumpit qaqutigut illoqutigiit tamat pisariaqartitaat tamakkerlugu kiassarnermik pilersitsisinnaapput, tamannalu peqqutigalugu tunngaviusumik pilersuinissamut nukissiuuteqarfinniit allaniit pissarsinissaq ugartorneqartariaqassalluni.

Kiassarnermut pumpit eqqarsaatigalugit sullitamuttaaq aasakkut qaammatit aningaasartuutikiffiunerusut kiisalu ukiuunerani aningaasartuutigineqartut annertunerusut malitsigitinneqassapput.

Sullitap kiassarnermut pumpit toqqarnissaannut kajuminnera immi aningaasaqarnermut taamaallaat tunngavoq, tamannalu pisinermi ataasia akigititaasoq pillugu aqqissuussaaneermik aallaaveqarluni. Pisinermi ataasia akigititaasoq pillugu aqqissuussaag atuisunut akigititaasoq politikkikkut aaliangigaavoq, taamaattumillu innaallagissamik pilersitsinissamut aningaasartuutaasunut naapertuuttuunatik. Nuummi 1 kWh innaallagiaq pilersissallugu 2020-imi 0,61 koruuniusimavoq, taassuma saniatigut Qaanaami pisinermi ataasia akigititaasoq kWh-imut 5,- koruuniulluni. Sumiiffinni taakkunanani atuisut kWh-imut 1,65 koruuninik akiliisarput. Sumiiffiit atuisumit innaallagissamut pilersinneqarneranit akianiit aningaasartuuteqarfiunerusut sumiiffinnut atuisunut innaallagissiornermit pilersitsinermi akianit annikinnerusumik aningaasartorfiusunut aningaasartassaleeqataassutigineqarput. Innaallagissamik atuinermut aningaasartuutit sumiiffinni Nukissiorfiit erngup nukinganit nukissiuuteqarfiiniittumut annikinnerupput.

Illoqarfinni dieselimik pilersuiffiusuni atuisut kiassarnermut pumpinik atuilersillugit innaallagissamik atuinerat annertusisarpoq taamaasillunilu aamma Nukissiorfinnut amigartoorutit annertuninngortarlutik. Nukissiorfinnut annaasaqarnek – taamattaarlu inuiaqatigiinnut – annertusisarpoq illoqarfinni dieselimik pilersuiffiusumik kiassarnermut pumpinik atuilersoqarsillugu. Naliginnaasumik nalunaarsuinermi kiassarnermut pumpinik illoqarfinni dieselimik pilersuiffiusuni atuisoqartillugu ukiumut Nukissiorfimmu amigartoorutit 25.000 koruuninik naleqartarput, matumani sullitap iluanaarutaa 0 koruunit missaaniittarluni aningaasaliisimanik ilanngullugu naatsorsussagaanni.

Illoqarfinni erngup nukinganik nukissiuuteqarfiusuni Nukissiorfiit innaallagiaq pilersitsinermi akianit akisuninngorlu tuniniartarpaa, tamannalu pillugu kiassarnermut pumpit taakkunanani inuiaqatigiinnut niuernikkut pitsaaquteqarnerullutik periarfissatuaq alla uuliamik kiassarneruppat. Innaallagissamik niuernerup annertusinera sinneqartoorutit annertusinernannik isumaqarpoq, tamannalu pillugu illoqarfinni allani amigartoorutit matussuseruminarnerullutik.

Taamaakkaluartoq illoqutigiit inuiaqatigiinnut illoqarfinni erngup nukinganik nukissiuuteqarfiusuni taamaatinneqarsinnaasumik innaallagissamik kiassaateqarnek kiassarnermut pumpinikkaanniit akikinneruvoq.

Taamaattumik kiassaateqarfinnut innaallagissamik pilersorneqartunut (innaallagissamik kiassarneq taamaatinneqarsinnaasoq) Nukissiorfiit suliassai aallaavigalugit ingerlatsinermi Nukissiorfiit illoqutigiinnut innaallagissamik kiassaammik taamaatinneqarsinnasumik attaviliigaangamik ataatsimullu isigalugu Nukissiorfinnut akiligassiissutissanut tussapput, matumani Inatsisartut peqqussutaat nr. 2 31. Oktober 1991-imeersumi, kiassarnermi erngup nukissiorfiata Utoqqarmiut Kangerluarsunnguaniittup pilersuiffiani kiassaateqarfinnut innaallagissamit kiassarneqartunut (elektrokedler) attavilersinnissamik pisussaannermut tunngasoq naapertorlugu.”

Apeqqu 4.

Naalakkersuisut piumassuseqarnerpat, innuttaasut kiassarnermut pumpimik ikkussinnermut taperneqarsinnaaneriniq?

Akissut:

Naalakkersuisut maannamut innuttaasut kiassarnermut pumpinik attaviliinissaannut aningaasaliissuteqarnissamik pilersitsissallutik pilersaaruteqanngillat.

Kiassarnermut attaviliinerit nammineerluni angerlarsimaffimmi ingerlanneqartussat pisortanit tapiissuteqaateqarfigineqassappata tamanna inunnut ataasiakkaanut kiisalu aamma inuiaqatigiinnut iluanaaruteqassaaq.

Tamanna pillugu ullumikkut imaappoq, Nukissiorfiit innaallagissamik kiassaait taamaatinneqarsinnaasut attavilerneqarnissaat pisortani ataasiakkaanilu sullitani illoqarfinni erngup nukinganiq nukissiorfeqarfiusuni akilersinnaavaat Nukissiorfiit illoqutigiinnut innaallagissamik kiassaammik taamaatinneqarsinnasumik attaviliigaangamik

Apeqqu 5 aamma 5a.

Teknikkikkut ajornassannginnerluni Aningaasanut Inatsimmi agguagassanik pilersitsigaanni, kiassarnermut pumpimik ikkussinnermut innuttaasut tapiiffigineqarnissaminut qinnuteqarfigisinnaasaannik?

a. Aaqqissuussaq taamaattoq allaffissornikkut qanoq akeqassava?

Akissut:

Aallaaviatigut teknikkikkut angerlarsimaffimmi pilersuinikkut attaviliinissamut tapiissutinik qinnuteqarsinnaanissamut periarfissiinissamut aningaasanik illikartitsinissaq periarfissaajuaannassaaq. Allaffissornikkut aningaasartuutissat qinnuteqarsiortitsinikkut tapiisinnaanermut piumasaqaatit aalajersarneqarsimasut tunngavigalugitt ilusilersugaassaaq. Tassungattaq qinnuteqaatit

suliarineqarnerini nalilersuinerit ingerlanneqarnissaat aamma ilanngunneqassaaq. Tamanna isumaqarpoq Nukissiorfiit imaluunniit kommuunit suusasaqartut sulianik ingerlatsinissaq tigoratarsinnaagaat.

Apeqquut 6.

Teknikkikkut ajornassannginnerluni Avatangiisinut aningaasaateqarfik aningaasanik illikartitsippat kiassarnermut pumpinut tapiissutissanik, tassami kiassarnermut pumpit avatangiisinut ajoqutaanngimmata?

Akissut:

Avatangiisinut aningaasaateqarfiup aningaasaatai suliniutinut Inatsisartut inatsisaanni nr. 9 27. November 2018-imeersumi Avatangiisinut aningaasaateqarfik pillugu allaqqasunut atorneqarsinnaapput. Kiassarnermut pumpit tapiissuteqarfigineqarsinnaanissaat matumani suliniutini periarfissatut ilanngunneqarsimangilaq.

Apeqquut 7.

Oqaluuserisamut attuumassuteqartunik Naalakkersuisut allanik nalunaarutissaqarpat?

Akissut:

Silaannaap pissusaa eqqarsaatigalugu illoqarfinni erngup nukinganic nukissiorfeqarfiusuni innaallagissamik kiassaait kiassarnermut pumpinut sanilliullugit pitsaaqutissartaqarnerupput. Taamaattumik kiassaateqarfinnut innaallagissamik pilersorneqartunut (innaallagissamik kiassarneq taamaatinneqarsinnaasoq) Nukissiorfiit suliassai aallaavigalugit ingerlatsinermi ataatsimullu isigalugu Nukissiorfinnut akiligassiissutissanut tussapput, matumani Nukissiorfiit illoqtigiinnut innaallagissamik kiassaammik taamaatinneqarsinnasumik attaviliigaangamik Inatsisartut peqqussutaat nr. 2 31. Oktober 1991-imeersumi, kiassarnermi erngup nukissiorfiata Utoqqarmiut Kangerluarsunnguaniittup pilersuiffiani kiassaateqarfinnut innaallagissamit kiassarneqartunut (elektrokedler) attavilersinnissamik pisusnaanermut tunngasoq naapertorlugu

Inussiarnersumik inuulluaqqusillunga
Med venlig hilsen


Kalistat Lund